

Hawgeq Yungzcin:

Gorongz Geq Diuzgai Geq Dakdaengh Gyaeundei

古榕古街辉映榕津

□ Yangz Dai Liu Yin

Song gorungz bakgai sangvidvid mwncupcup.

Youq hawgeq Yungzcin, diuz gaigeq baenz cien bi lij louzce ndeindiq, gorungz geq mwncup baenz gyoengq doxgot daengjndwn, aendaemz lumj ndaundeiq deihaenx baijbouh, gaigeq, gorungz geq caeuq aendaemz saw lumj naedcaw haenx doxdaengh doxdak, “aen sok song dah sam hwnjhamq, cib rungz bet gveiq gouj sueng daemz”, gyoebbaenz le yiengh gingj ndei daegbieg hawgeq Lingnamz, hawgeq baenzneix ndaej heuhguh “Yungzcin” aen cohmbanj ndeidingq neix.

Hawgeq Yungzcin dieg youq Yungzcin Cunh Canghyah Cin Bingzloz Yen gih raeuz, liz gyanghaw Gveilnz miz goujcib lai goengleix gyae, hawgeq youq Ciuhsung codauez couh hainduj laebguh, daengz seizneix gaenq miz gyawj cien bi lizsij. Hawgeq dieg youq giz gapgyoeb Dahyungzcin caeuq Dahsahgyangh song diuz dahnga Dahlizgyangh neix, ciuhgeq dwg aen sokruz dajdaeh iq nauhyied dahdieghawq baihdoeng Guengjsae ndeu, dap ruz yiengq baihbaek ndaej bae daengz Gveilnz, yiengq baihnamz baihdoeng ndaej bae daengz Vuzcouh, Gvangicouh.

Yungzcin yinzvwnz lijyouz

swhyenz dwg comz youq diuzgai hawgeq raez miz song bak mij, gyangq miz haj mij, guh ndaej gyawj cien bi, louzce ndaej haemq caezcingj, daiq miz gij cingzdih mbanj baihnamz Cungguk — Gaiyungzcin neix. Gij ranz gaeuq song henz gaigeq cungj dwg aenranz cienheu vaxmong daepfaex song caengz, doxdep hwnjguh, gyangqgaeb sangdaemq ca mbouj gejlai doxdoengz, dingjranz doxlien, caezcingj miz gvilwd, yienjok gij yiengh gaeuqgeq daegbied ranzaep mbanj haw baihnamz guek raeuz; baihnaj gij ranz henz gai cungj dwg daj ciengzcin yupsuk haeuj ndaw baenz mij lai gyangq, daepgaq faqdou benjfaex sang raez doxdoengz, dangguh aenbouq yungh, lij ndaej yawjraen gij rizgaeuq yiengh gingj guh seng' ei hoenghhwd ciuhgonq, roen benjrinbya, aenbouq ciengz cienheu vaxmong, Yezdungh Vei-gvanj, Gungsamsaenz, Gungsiencuk-aeu, dougunj cienrinbya, caiqlij doenghgi ranz gaeuq vunseng' ei Liu Bingjunh, Liu Cingoz nem gij gorungz geq cien bi maj ndaej mwncupcup sang daemxmbwn, ragfaex buenzhop doxheux ndeiyawj

ndaw mbanj louzce ndeindiq gyoebbaenz gingj gaeuqgeq yinx vunz. Doengzseiz, geij aen daemz hung henz Gaiyungzcin riengz diuzgai baizlied baenz cungj gyoebhab daemzraemx ndaej yinx vunz yawjngonz ndeu, lij miz Dahyungzcin, Dahsahgyangh riengz henz mbanj menhmenh lae gvaqbae, baenz caz baenz caz faexcuk riengfungh heusausau daengj youq henz dah caiqlij dauqingq ingj youq ndaw dah, ndeiyawj dangqmaz, caiq gyahwnj gij naz seiqhenz mbanj dem, hawj rangh lijyouz Yungzcin couh lumj fuk dozveh gingj gyaeu doenghnaz Gyanghnanz nei yinx vunz.

“Raemx sawyau heux mbanj, byaheu angj doenghnaz.” Gak cungj gak yiengh vwnzva baihrog doxcomz, oenqnyumx, hawj Yungzcin baenz le diegfathwnj Heiqgvei ndeu, daengz seizneix vunz Yungzcin lij miz gij fungsug sibgvenq gyaez dingq hei, ciengq hei haenx, aen daizheiq gaeuq laj gorungzgeq baihrog mbanj lij louzce roengzdaeuj haenx, “aenlaz daih'it Guengjsae” ndaw gaigeq louzyo haenx, hawj vunz yawj ndaej ok gij boekbienq lizsij caeuq vwnzva gyaeanz Yungzcin.



▲ Daizheiq geq laj gorungz lij louzce ndaej ndei.



▲ Rag gorungz iet cap roengz lingh mbiengj diuzroen baenz dougunj.



▲ Gorungz gwih youq gwnz ciengzrin yienj daegbied.



▲ Hekyouz caeuq vunzmbanj youq laj gorungz geq ciengq go diuq foux.



▲ Dougonq doulaeng doxlien doxdoeng.



▲ Ranz gaeuq baizlele youq song henz gaigeq.



▲ Faqciengz baihrog ranz riz geq yienhsag.



▲ Dingjranz doxdaep gai gaebged.



▲ Riengz diuz gaigeq ra riz lizsij gyaeanz.